

## Lenny&Henry, 4mon.



### suechet zäme äs nöiies Daheime mit Freigang

Sali zäme

Dörftet mir üs vorschtäue? Mi sy dr'Lenny u dr Henry, zwöi chohlrabeschwarze Chaterli, u uf dr Suechi nach eme eigene Daheime. Warum? Mi sy us schlächtr Hautig grettet worde u sy itze parat für e eigene Familie u für's Läbe da dusse. Drum!

Mir sy Brüetsch, 4 Mönät aut, u wie Du siehst, fascht eis wie's angeri. Üs chasch fascht nid ungerscheide. Isch vo Vorteil, we mir öppis aaschtäue. Cha mer immr säge, dr angeri war's. Du meinst, Schwarz bringt Uuglück? Nei, Schwarz isch schick u mir bringe nur Fröid is Huus. Du wirsch seh. Mir sy mehrfach entwurmt u teschtet, abr no nid gimpft, gsung u schtuberein wie die Grosse. Mit eme guete haub Jahr müesst mir dann no kaschtriert wärde, e Chip wär ou guet, wiu mir ja usse wönnt. Mir sy sähr verschmuest u natürlech verschpiut u sähr nöigiirig, mir probiere aues us. S'git so viu z'Entdäcke uf diesere Wäut. Aafangs sy mir zwar no es bitzeli schüech, mir bruuche Ziit zum Aachomme, abr das wird.

Mir hänge sähr angeang u hätte gärn unbedingt zäme es Daheime, gärn bi enere liebi Familie, wo fascht immr öpper daheime isch zum Striichele u Schpiue. Chliini Ching liebr nid, di sy üs uuheimlech, abr so ab Schueauter, das wär tou. Ou e liebe Hung dörfsti dört sy odr e angeri Chatz. Das chenne u liebe mir. U Freigang hätte mir gärn, Garte wär tou u Wiese zum Umeschtöbere.

Siit Dir e toue Familie u liebet Dir schwarze Chatze? Wohnt Dir ir verkehrsarme Umgäbig odr sogar richtig ländlech? Heit Dir Luscht uf zwöi liebi Luusbuebe? Heit Dir viu Platz u Ziit u viu schtriichelnde Händ? U Idee, was mer aues so schpiue cha? Ja? Denn müesst mir üs unbedingt lehre chenne. Ah ja, mir wohne derziit noch z'Plaffeien/FR, züggle abr gärn zu Dir, wo ou immr Du wohsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Nöigiirig uf üs zwöi? Ja, woruf wartsch, aaruefe, abr schnäu, mir chönnes choum erwarte, Dich chenne z'lehre!

Dini Lenny & Henry



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch